

Oahpahit boazodolliide lihkadandoaimmaid

Prošeavtta vuodđoulbmilin lea doarjut sápmelaš boazodoallit sosiálalaš bures veadjima. Okta vuohki lea leamaš oahpásnuhttit badjeolbmuid odđaaiggi lihkadanvugiide ja -neavvuide, muitala prošeaktabargi Saara Ketola.

Sámi Sostera prošeavttas háliidit oahpadit boazodolliide lihkadandoaimmaid.

– Boazosápmelaččaid bures veadjima ja

oassálastima ovddideapmi lea namman Sámi Sostera prošeavttas, man vuodđoulbmilin lea doarjut sápmelaš boazodolliid sosiálalaš bures veadjima, dadjá Ketola Yle Sápmái.

Oktan bargovuohkin lea leamaš prošeavttas ordnet bures veadjin bargobájiid sápmelaš boazodolliide ja sin bearrašiidda. Bargobájiin áššedovdit addet dieđu movt eallit dearvvasin, muhto oahpahuvvo maid konkrehtalaččat bures veadjima áitagiid ja ohcat daidda ovttaš čovdosiid.

Okta vuohki lea leamaš oahpásnuhttit badjeolbmuid odđaaiggi lihkadanvugiide ja -neavvuide.

Prošeavttas bargá Saara Ketola. Son lea prošeavtta olis doallan čakčat lihkadandiimuid ovttá jovkui Gárasavvonis ja nuppi jovkui Heahtás. Dán giđa áigge boazodolliid oahpásmahttin valástallamii joatkašuvvá, muitala prošeaktabargi Saara Ketola.

– Mis lea das jurddan, ahte odđajagemánus joatkit ahte mánus guovtti geardde mii mannat ovttaš lihkadeame. Vehás oah-

pásmahttit movt lihkadandoaimma lea ja makkár livččii vaikko jus livččii mielde gieldda Revontuliopistos mielde, dadjá son. Ketola mielas lea dehálaš, ahte almmolaš fáiladaga lassin lea maid sierra fáiladat unnit joavkkus juste badjeolbmuid ja sin bearrašiidda.

– Go mis lea unnit joavku nu kánske das lea álkit álgit, oahppat ja hárrjánit lihkadandoaimmaid. Iige dat oro nu issoras, loahpaha son.